

Հայ ոմն երիտասարդ յառաջ քան զէ ամ ի հարկէ տաճկացեալ, նաև ծառայ լեալ արքայի ամս ինչ, և ապա ի խղճմտանս եկեալ՝ ելեալ զիմէ ի Ֆռանկստան, և անդ ասեն նմա եթէ Ո՛ւր կորուսեալ իցես զհաւատդ՝ պարտ է քեզ անդ գտանել: Եւ ելեալ անտի դառնայ ի քաղաքս, և նստեալ աւուրս ինչ ընդ դրացիս և ընդ ծանօթս և ընդ եղբարս իւր և մեր զգեստիւ շրջագայի յաւուրս Սուրբ Խաչին տօնի Վերացման և ասեն հաղորդիլ զնմանէ: Եւ տեսեալ Տաճկաց զայն՝ տան ծանօթութիւն նմա, և նա ասէ. Այո՛ ես եմ. ընդ որ բարկացեալ կալան գնա յետ աւուրց չորից Սուրբ Խաչին և տարան յանդիման զայմախամին. և նա սպառնալեօք ոչ կարաց դարձուցանել կրկին յօրէնս նոցա, քանզի նա պատառխանէր թէ Կորուսի միանգամ զհաւատս իմ և հազիւ գտայ, կամիք այժմիկ կրկին որոշել, զոր անհնար է թէ ուրացայց ըզՔրիստոս. զոր լուեալ՝ իսկոյն հրամայեաց կախել զնա ի դուռն պարսպին, որ ասի Պարտիզաց, յեզերս ծովու ի հիւսիսակողմն արեւելեան: Եւ այգուցն ժողովեալ արք քրիստոսասէրք բառնալ զնա եւ թաղել պատուով ըստ օրինի ձեռամբ սուպաշուն: Եւ տեսեալ Տաճկաց զժողովս բազումս հաւաքելոցն, որք ողջագուրէին և զրկափարէին և զառնային ի վերայ նորայոյժ յոյժ, յոյժ, յայնժամ զչարացեալ ծանուցին փաշայի, որ և լի ցասմամբ ասաց սուպաշուն՝ կապել ի քար զպարանոցէ, եւ արկին ի ծով եւ Հայք առին ի փախուստ:

Յետ և աւուրց (պարսկ) պուչաղճի ոմն ուրացող յազգէ մերում զնացեալ թէ Հաւատ ձեր ոչ է հաւատ, զի ստրջացայ ի ձէնջ և յօրինաց ձերոց, և իմս է հաւատ զոր նախ ուրացեալ եմ: Եւ ահացուցեալ զնա ի տիւանի անդ և ոչ կասեցաւ: Յայնժամ տարեալ